

**TILSKIPUN FRAMKVÆMDASTJÓRNARINNAR 97/64/EB****frá 10. nóvember 1997****um fjórðu aðlögun að tækniframförum á I. viðauka við tilskipun ráðsins 76/769/EBE um samræmingu ákvæða í lögum og stjórnsýslufyrirmælum aðildarríkjanna varðandi takmörkun á sölu og notkun tiltekinna skaðlegra efna og efnablandna (lampaolíur)(\*)**

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 76/769/EBE frá 27. júlí 1976 um samræmingu ákvæða í lögum og stjórnsýslufyrirmælum aðildarríkjanna varðandi takmörkun á sölu og notkun tiltekinna skaðlegra efna og efnablandna <sup>(1)</sup>, eins og henni var síðast breytt með tilskipun framkvæmdastjórnarinnar 97/16/EB <sup>(2)</sup>, einkum 2. gr. a, sem var tekin upp með tilskipun ráðsins 89/678/EBE <sup>(3)</sup>,

og að teknu tilliti til eftirfarandi:

Með tilskipun ráðsins 89/677/EBE <sup>(4)</sup> um áttundu breytingu á tilskipun 76/769/EBE var notkun tiltekinna efna og efnablandna í skrautmuni, spaug—og gabbvarning og spil bönnuð.

Síðan hefur komið í ljós að sum þessara hættulegu efna og efnablandna í formi olía, sem eru flokkaðar þannig að af þeim stafi hætta við ásvelgingu, einkum þegar þær eru litaðar, geta stofnað heilsu manna í hættu, einkum heilsu ungra barna, sérstaklega þegar þær eru notaðar í skrautlömpum.

Takmarka ber sölu slíkra litaðra olía til nota í skrautlömpum.

Í takmörkununum við sölu slíkra litaðra olía, sem settar eru í þessari tilskipun, er tekið tillit til núverandi þekkingar og tækni varðandi öruggari valkosti.

Þessi tilskipun hefur ekki áhrif á löggjöf bandalagsins þar sem gerðar eru lágmarkskröfur um vernd starfsmanna og finna má í tilskipun ráðsins 89/391/EBE <sup>(5)</sup> og í einstökum tilskipunum sem byggðar eru á henni, einkum tilskipun ráðsins 90/394/EBE <sup>(6)</sup>.

Ráðstafanirnar, sem kveðið er á um í þessari tilskipun, eru í samræmi við álit nefndar um aðlögun að tækniframförum á tilskipunum um að ryðja úr vegi tæknilegum hindrunum í viðskiptum með hættuleg efni og efnablöndur.

SAMÞYKKT TILSKIPUN ÞESSA:

1. gr.

Hér með er I. viðauki við tilskipun 76/769/EBE lagaður að tækniframförum eins og rakið er í viðaukanum við þessa tilskipun.

2. gr.

Aðildarríkin skulu samþykkja og birta nauðsynleg ákvæði til að fara að þessari tilskipun eigi síðar en 30. júní 1998 og tilkynna það framkvæmdastjórninni þegar í stað. Þau skulu beita þessum ákvæðum frá 31. desember 1998.

Þegar aðildarríkin samþykkja þessi ákvæði skal vera í þeim tilvísun í þessa tilskipun eða þeim fylgja slík tilvísun þegar þau verða birt opinberlega. Aðildarríkin skulu setja nánari reglur um slíka tilvísun.

3. gr.

Tilskipun þessari er beint til aðildarríkjanna.

Gjört í Brussel 10. nóvember 1997.

*Fyrir hönd framkvæmdastjórnarinnar,*

Martin BANGEMANN

*framkvæmdastjóri.*

(\*) Þessi EB-gerð, sem birtist í Stjtið. EB L 315, 19.11.1997, bls. 13, var nefnd í ákvörðun sameiginlegu EES-nefndarinnar nr. 87/98 frá 25. september 1998 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá þessa útgáfu af EES-viðbæti við Stjórnartíðindi Evrópubandalagsins.

<sup>(1)</sup> Stjtið. EB nr. L 262, 27. 9. 1976, bls. 24.

<sup>(2)</sup> Stjtið. EB nr. L 116, 6. 5. 1997, bls. 31.

<sup>(3)</sup> Stjtið. EB nr. L 398, 30. 12. 1989, bls. 24.

<sup>(4)</sup> Stjtið. EB nr. L 398, 30. 12. 1989, bls. 19.

<sup>(5)</sup> Stjtið. EB nr. L 183, 29. 6. 1989, bls. 1.

<sup>(6)</sup> Stjtið. EB nr. L 196, 26. 7. 1990, bls. 1.

## VIÐAUKI

Í stað 3. liðar í I. viðauka við tilskipun 76/769/EBE komi eftirfarandi:

„Efnablöndur eða efni í vökvaformi sem talin eru hættuleg í samræmi við skilgreininguna í 2. mgr. 2. gr. og viðmiðanirnar í 2., 3. og 4. hluta VI. viðauka við tilskipun ráðsins 67/548/EBE frá 27. júní 1967 um samræmingu ákvæða í lögum og stjórnslufyrirmælum um flokkun, pökkun og merkingu hættulegra efna<sup>(1)</sup>, eins og hún var aðlöguð að tækniframförum með tilskipunum framkvæmdastjórnarinnar 93/21/EBE<sup>(2)</sup> og 96/54/EB<sup>(3)</sup>).

## 1. Óheimilt að nota í

- skrautmuni sem eiga að ná fram ljós— eða litaráhrifum með mismunandi vökvum, t.d. í skrautlampa og öskubakka,
- spaug—og gabbvarning,
- spil fyrir einn eða fleiri þátttakendur, eða hluti sem á að nota í spil, jafnvel þótt hugmyndin sé að skreyta.

## 2. Með fyrirvara um áðurgreint skulu efni og efnablöndur sem:

- hætta stafar af við ásvelgingu og bera merkið R 65, og
- unnt er að nota sem eldsneyti á skrautlampa, og
- eru markaðssett í umbúðum sem innihalda 15 lítra eða minna, hvorki innihalda litarefni, nema þess sé krafist af ástæðum sem varða skattheimtu, né heldur ilmefni eða hvort tveggja.

Með fyrirvara um framkvæmd annarra ákvæða bandalagsins sem varðar flokkun, umbúðir og merkingar á hættulegum efnum og efnablöndum, skulu umbúðir slíkra efna og efnablandna vera merktar læsilegu og óafmáanlegu letri á eftirfarandi hátt:

„Geymið lampa, sem eru fylltir með þessum vökva, þar sem börn ná ekki til.“

<sup>(1)</sup> Stjtið. EB nr. 196, 16. 8. 1967, bls. 1.

<sup>(2)</sup> Stjtið. EB nr. L 110, 4. 5. 1993, bls. 20.

<sup>(3)</sup> Stjtið. EB nr. L 248, 30. 9. 1996, bls. 1.“